



Broj: 18.1-024-406-6 /18
Sarajevo, 04.05.2018. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik Bosne i Hercegovine“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik Bosne i Hercegovine", broj 94/14), Služba za poslove sa strancima, p o d n o s i

IZVJEŠTAJ O RADU SLUŽBE ZA POSLOVE SA STRANCIMA ZA 2017. GODINU

I – UVOD

Služba za poslove sa strancima (u daljem tekstu: Služba) je tokom 2017. godine u okviru svojih nadležnosti preduzimala sve potrebne mjere i radnje u cilju efikasnijeg upravljanja migracijama, a samim tim i stvaranja bolje ukupne sigurnosne situacije u Bosni i Hercegovini.

✓ *Preduzete aktivnosti kod ovjera pozivnih pisama i davanja saglasnosti za izdavanje viza tip „D“*

U ovom izvještajnom periodu u procedurama rješavanja po zahtjevima za ovjeru pozivnih pisama na osnovu kojih su stranci pribavljaju vize za ulazak i boravak stranih državljana u Bosni i Hercegovini, ukupno je **ovjereno 4.720 pozivnih pisama**. U istom izvještajnom periodu Služba je preduzimajući preventivne aktivnosti zbog uočenih pokušaja neregularnih migracija i u cilju davanja doprinosa zaštiti sigurnosnog sistema **odbila 166 zahtjeva za ovjeru pozivnog pisma za strane državljane koji dolaze iz migraciono visoko rizičnih zemalja**.

Zakonom je predviđeno da Služba po zahtjevu Ministarstva inostranih poslova Bosne i Hercegovine daje prethodnu saglasnost za izdavanje viza za dugoročni boravak - viza tipa „D“ na osnovu koje stranci mogu podnijeti zahtjev za odobrenje privremenog boravka u Bosni i Hercegovini. Nadograđena je i pospješena postojeća procedura kod izdavanja viza tipa „D“ – dugoročnih viza za boravak u zemlji, kao veoma važnog Shengenskog pravila, na način da u propisanom roku i uz sve izvršene potrebne provjere izdajemo saglasnost za izdavanje viza “D”, isključivo na osnovu kojih

stranci nakon ulaska u zemlju mogu aplicirati za dugoročni boravak. Služba je u ovom periodu postupajući po zahtjevima Ministarstva inostranih poslova Bosne i Hercegovine za davanje saglasnosti u postupku izdavanja **vize tipa „D“, u 691 slučaju dala saglasnost za izdavanje vize tipa „D“**. Također, tokom 2017. godine od strane Službe za poslove sa strancima uočene su odgovarajuće nepravilnosti, te zbog neispunjavanja uslova nije data saglasnost za **izdavanje 13 viza tipa „D“**.

Služba je postupajući po zahtjevima Diplomatsko konzularnih predstavništava Bosne i Hercegovine u određenim slučajevima izrazila sumnju da bi se moglo raditi o neregularnim migracijama, zbog čega su od strane inspektora za strance vršene dodatne operativne provjere na terenu sa ciljem utvrđivanja osnovanosti podnesenih zahtjeva. U vezi sa naprijed navedenim od strane Službe za poslove sa strancima su tokom ovog izvještajnog perioda izvršene provjere za **646** lica. Prilikom vršenja naprijed navedenih provjera na terenu od strane inspektora za strance u više slučajeva je utvrđeno da strani državljani nemaju rezervisan smještaj, odnosno uplaćen smještaj ili turističko putovanje koje je u skladu sa Zakonskim uslovima za izdavanje vize. O svim utvrđenim činjenicama i prikupljenim saznanjima pravovremeno su upoznata Diplomatsko konzularna predstavništva Bosne i Hercegovine, kako bi isti mogli raspolagati svim činjenicama u momentu donošenja odluke, što je rezultiralo određenim brojem odbijenih zahtjeva za izdavanje viza. **Ovakvim pristupom u vršenju svih neophodnih provjera prije izdavanja vize, od strane Službe utvrđene su nepravilnosti za 70 lica kojima nisu izdate vize.** U cilju efikasnijeg upravljanja migracijama kao i zaštite sigurnosnog sistema Bosne i Hercegovine, Služba je o svim utvrđenim činjenicama i prikupljenim saznanjima o pokušajima zloupotrebe putovanja kontinuirano informisala Ministarstvo vanjskih poslova Bosne i Hercegovine radi blagovremenog upoznavanja Diplomatsko konzularnih predstavništava Bosne i Hercegovine i preduzimanja mjera na sprečavanju ilegalnih migracija.

Pored provjera kroz bazu Registar određenih stranaca (u daljem tekstu: „ROS“), prilikom rješavanja po zahtjevu stranaka za odobrenje boravka u Bosni i Hercegovini, ovjere pozivnih pisama kao i ostalih postupaka koje provodi Služba, za lica koja dolaze iz zemalja sa visokim stepenom ilegalnih migracija, za lica kojima je od strane Državne komisije za reviziju odluka o naturalizaciji stranih državljana u Bosni i Hercegovini oduzeto državljanstvo Bosne i Hercegovine kao i sva druga lica prema procjeni, Služba u skladu sa članom 8. stav 4. Zakona o strancima vrši sigurnosnu provjeru za stranca, u svrhu utvrđivanja razloga sigurnosti Bosne i Hercegovine, koju provodi Obavještajno - sigurnosna agencija Bosne i Hercegovine.

Služba je po zahtjevima Diplomatsko konzularnih predstavništava Bosne i Hercegovine i Terenskih centara, od **Obavještajno sigurnosne agencije Bosne i Hercegovine i drugih sigurnosnih agencija zatražila 2.710 sigurnosnih provjera za 3.670 stranih državljana** u postupcima ovjere pozivnih pisama, izdavanja viza, te odobrenja/produženja privremenog i odobrenja stalnog boravka, sve s ciljem davanja doprinosa zaštiti ukupnog sigurnosnog sistema Bosne i Hercegovine, kao i borbi protiv terorizma i svih vidova neregularnih migracija.

✓ *Boravak stranaca*

Rješavajući po zahtjevima za odobrenje - produženje privremenog boravka u ovom izvještajnom periodu privremeni boravak je odobren u **4.478** slučajeva i produžen u **6.894** slučaja, što ukupno iznosi **11.372** odobrenih - produženih privremenih boravaka. U periodu od 01.01 do 31.12.2017. godine ukupno je obrađeno **767** zahtjeva za odobrenje stalnog boravka (*u navedenom broju uračunati su zahtjevi za odobrenje stalnog boravka, kao i izmjenjene rješenja već odobrenog stalnog boravka*), od čega je u **750** slučajeva isti odobren, dok je **17** zahtjeva odbijeno.

✓ *Inspeksijske kontrole inspektora za strance*

Inspektori za strance su vršili inspeksijske kontrole boravka stranaca u fizičkim i pravnim licima koje pružaju usluge smještaja, turističkim agencijama, obrazovnim institucijama, preduzećima i institucijama u kojima rade stranci po osnovu izdate radne dozvole, preduzećima u kojima su osnivači strani državljani, kontrole adresa stanovanja i promjene adrese stanovanja. **Tokom 2017. godine je izvršeno ukupno 7.576 kontrola i izdato je 2.071 prekršajni nalog.**

✓ *Operativne provjere u cilju utvrđivanja činjenica o ispunjavanju uslova za ovjeru pozivnih pisama i odobrenje/produženje privremenog i odobrenja stalnog boravka*

Služba je prepoznala i kao važan segment uvela preventivno vršenje operativnih provjera na terenu s ciljem utvrđivanja činjeničnog stanja postojanja osnovanosti podnesenih zahtjeva za ovjeru pozivnih pisama, odobrenje/produženje privremenog boravka, odobrenja stalnog boravka, kontrola već odobrenih boravaka i drugo kao vrlo važan segment u suprotstavljanju neregularnim migracijama, posebno kada govorimo o pokušaju određenih zloupotreba u smislu zasnivanja bračne ili vanbračne zajednice sa državljanima Bosne i Hercegovine iz interesa radi ostvarivanja prava na boravak, zatim i prijema u državljanstvo Bosne i Hercegovine, a takođe i otkrivanja pokušaja regulisanja boravka po osnovu radne dozvole u fiktivnim firmama itd. U ovom izvještajnom periodu inspektori za strance su izvršili ukupno **15.386 operativnih provjera** i tom prilikom su u određenim predmetima utvrđene činjenice da se radi o pokušaju neregularnih migracija u **186** slučajeva

✓ *Inspeksijske kontrole stranaca sa odobrenim boravkom*

Kao rezultat taktičke procjene Terenskih centara o mogućim neregularnostima i zloupotrebama već odobrenih privremenih i stalnih boravaka, vršene su ponovne nenajavljene kontrole inspektora za strance, posebno privremenih boravaka po osnovu braka sa državljanima Bosne i Hercegovine i obrazovanja, kao i stalnih boravaka koje su do sada dale značajne rezultate. Naime, tokom ovog izvještajnog perioda od strane inspektora za strance izvršeno je **1.790** ciljanih inspeksijskih kontrola stranaca sa odobrenim boravkom prilikom čega su utvrđene **253** nepravilnosti.

Bitno je napomenuti da Služba svakodnevno vrši prikupljanje i analizu operativnih saznanja prikupljenih od strane inspektora za strance i iz drugih izvora, putem razmjene informacija s odgovarajućim sigurnosnim organima gdje se na osnovu tako prikupljenih informacija i operativnih saznanja uz odobrenje direktora Službe sačinjavaju Operativni planovi za sprovođenje operativnih akcija. Tokom 2017. godine izvršeno je **20 operativnih akcija** u kojima su učestvovali službenici Službe i to:

- a) Koordinirana zajednička međunarodna operativna akcija **LS JAD „Dragon“**, s drugim sigurnosnim i policijskim agencijama u organizaciji EUROPOL-a u vezi sprečavanja i otkrivanja organizovanih kriminalnih grupa u vezi sa neregularnim migracijama.
- b) Pet Operativnih akcija planiranih u cilju vršenja inspeksijskih kontrola pravnih i fizičkih lica koja pružaju usluge smještaja na **područjima Neuma, Mostara, Sarajeva, Istočnog Sarajeva, Banja Luke i Bihaća**.
- c) Nastavak operativne akcije na realizaciji operativnog plana provođenja mjera i radnji oko prijave boravišta kodnog naziva **„BORAVAK“** iz nadležnosti Službe u saradnji sa Graničnom policijom Bosne i Hercegovine;
- d) Pet Operativnih akcija planiranih u cilju provedbe aktivnosti pronalaska **5 lica koja su proglašena prijetnjom nacionalnoj sigurnosti Bosne i Hercegovine**, izricanja mjere protjerivanja, stavljanja pod nadzor, te udaljenja istih iz Bosne i Hercegovine.
- e) Doprinos Službe sigurnosnom aspektu posjete predsjednika R. Srbije N.J.E. Aleksandra Vučića Sarajevu.
- f) Doprinos Službe sigurnosnom aspektu zbog održavanja Samita premijera zemalja Zapadnog Balkana - “Samit 2017” u Sarajevu.
- g) Doprinos Službe sigurnosnom aspektu zbog održavanja Zajedničke sjednice Vijeća ministara Bosne i Hercegovine i Vlade Republike Hrvatske - “Saradnja 2017” u Sarajevu.
- h) Doprinos Službe sigurnosnom aspektu zbog održavanja javnog skupa povodom obilježavanja 22. godišnjice i ukopa posmrtnih ostataka ekshumiranih i identifikovanih – žrtava genocida u Srebrenici - “Srebrenica 2017” u Memorijalnom centru Srebrenica-Potočari.
- i) Doprinos Službe sigurnosnom aspektu zbog održavanja Konferencije “Shaping our common future“ u Sarajevu.
- j) Doprinos Službe sigurnosnom aspektu zbog održavanja „Mostarskog sajma gospodarstva 2017” u Mostaru.
- k) Doprinos Službe sigurnosnom aspektu odigravanja nogometnih utakmica reprezentacije Bosne i Hercegovine u Zenici i Sarajevu u okviru kvalifikacija za Evropsko prvenstvo u fudbalu.

✓ *Preduzete mjere prema stranim državljanima*

Tokom 2017. godine preduzete su mjere u 2.211 slučajeva i to: donešeno je **108** rješenja o otkazu bezviznog boravka, **174** rješenja o otkazu privremenog boravka, **66** rješenja o otkazu stalnog boravka, **34** rješenja o otkazu bezviznog boravka sa izrečenom mjerom protjerivanja, **4** rješenja o otkazu privremenog boravka s izrečenom mjerom protjerivanja, **927** rješenja o protjerivanju stranaca iz Bosne i Hercegovine, donešen je **1** zaključak o dozvoli izvršenja rješenja o protjerivanju, dok je za **897** lica rješenjem određena mjera stavljanja pod nadzor (od čega je **860** lica smješteno u Imigracioni centar, **9** lica smještena pod nadzor u mjestu boravišta, dok je **28** lica smješteno pod nadzor u druge ustanove (sigurne kuće i sl).

✓ *Doprinos u borbi protiv terorizma, trgovine ljudima i drugih oblika organizovanog kriminala kroz službenu saradnju*

Imajući u vidu da je međuagencijska saradnja i razmjena informacija preduslov za efikasnu prevenciju kao i borbu protiv terorizma, ilegalnih migracija, krijumčarenja, trgovine ljudima i drugih oblika organizovanog kriminala, Služba je tokom ovog izvještajnog perioda vršila koordinaciju aktivnosti, inicirala i ostvarivala svakodnevnu službenu saradnju s drugim agencijama koje se bave sprovođenjem zakona na teritoriji Bosne i Hercegovine, Tužilaštvima u Bosni i Hercegovini, međunarodnim i nevladinim organizacijama.

Inspektori za strance naše Službe i drugi ovlašteni službenici, preduzimajući sve potrebne mjere i radnje iz naše nadležnosti, u svom svakodnevnom radu su dolazili do veoma korisnih i u najvećoj mjeri pouzdanih operativnih saznanja o neregularnim migracijama kao i saznanja koja su se mogla dovesti u vezu s krivičnim djelima iz nadležnosti drugih sigurnosnih agencija.

Prikupljena saznanja i informacije su analizirane i procjenjene od strane naših službenika **što je rezultiralo izradom 66 operativnih informacija** koje je Služba blagovremeno dostavljala u nadležnost i postupanje Tužilaštvu Bosne i Hercegovine, Obavještajno-sigurnosnoj agenciji, Držanoj agenciji za istrage i zaštitu, Graničnoj policiji, entitetskim Ministarstvima unutrašnjih poslova i drugim agencijama na dalju nadležnost i postupanje i bile su od velikog značaja u otkrivanju i procesuiranju počinitelaca krivičnih djela. Ovom prilikom posebno bismo istakli izuzetnu saradnju s Obavještajno-sigurnosnom agencijom Bosne i Hercegovine, koja se ogleda u skoro svakodnevnoj i pravovremenoj razmjeni informacija i podataka.

Kada je u pitanju rješavanje statusnih pitanja stranih državljana procijenjenih kao prijetnja po nacionalnu sigurnost Bosne i Hercegovine, Služba je od drugih nadležnih sigurnosnih institucija zaprimila informaciju za **21 sigurnosno interesantnog stranog državljanina**.

Od 21 sigurnosno interesantnog stranog državljanina, **Služba je tokom 2017. godine preduzimanjem radnji iz svojih nadležnosti i pojačanih aktivnosti kontrole kretanja i boravka stranaca u Bosne i Hercegovine, pronašla, procesuirala i izrekla mjere protjerivanja za 5 stranih državljana, koji predstavljaju prijetnju javnom poretku i sigurnosti Bosne i Hercegovine, dok se ostala lica nisu nalazila na teritoriju Bosne i Hercegovine.**

Podatke o svim licima koji predstavljaju prijetnju javnom poretku i sigurnosti Bosne i Hercegovine, Služba je evidentirala u bazu „ROS-a” kojoj pristup ima Granična policija Bosne i Hercegovine, te za one koji nisu na području Bosne i Hercegovine prilikom pokušaja njihovog ulaska u Bosnu i Hercegovinu istima će biti odbijen ulazak.

U evidenciju „ROS-a“, Služba je tokom ovog izvještajnog perioda izvršila unos 1.517 informacija za strane državljane, koje su od velikog značaja za njen rad, kao i za saradnju sa Graničnom policijom Bosne i Hercegovine i Ministarstvom inostranih poslova Bosne i Hercegovine. Prikupljene informacije u bazi ROS-a mogu uticati na rješavanje zahtjeva za ovjeru pozivnih pisama, izdavanje viza, prelazaka državne granice, odobravanja boravaka na teritoriju Bosne i Hercegovine, donošenje odluka po službenoj dužnosti, i rješavanja drugih statusnih pitanja stranih državljana.

Bitno je naglasiti da je Služba kroz rad svojih službenika u nadzornom tijelu te sprovedbu strategija za borbu protiv terorizma i borbu protiv organizovanog kriminala, Operativnoj i udarnoj grupi za borbu protiv terorizma i Udarnoj grupi za borbu protiv trgovine ljudima, davala izuzetan doprinos u borbi protiv terorizma, ilegalnih migracija, trgovine ljudima, organizovanog kriminala, čime se daje značajan doprinos zaštiti sigurnosnog sistema Bosne i Hercegovine.

Služba je također kroz rad svojih službenika u Zajedničkom centru za analizu rizika i Koordinacionom tijelu, davala puni doprinos radu Zajedničkog centra za analizu rizika a samim time i Implementaciji Strategije integrisanog upravljanja granicom Bosne i Hercegovine. Od strane Službe svakodnevno se prikupljaju podaci o preduzetim aktivnostima, mjerama i radnjama iz nadležnosti Službe, te izrađuje Bilten dnevnih događaja koji se razmjenjuje sa drugim sigurnosnim agencijama.

Nadalje, tokom ovog izvještajnog perioda nastavljeno je učešće službenika Ureda za strateško planiranje, analizu i statistiku kao predstavnika u radu Radne grupe „Procjena rizika od pranja novca i finansiranja terorizma“.

Konačno, Služba kontinuirano doprinosi razmjeni podataka s FRONTEx-om putem sistema dostave podataka o ilegalnim migracijama i mjesečnih statističkih izvještaja Graničnoj policiji Bosne i Hercegovine i Koordinacionom tijelu za pitanje migracija u Bosni i Hercegovini u cilju jačanja planiranja i provođenja nacionalnih i međunarodnih aktivnosti vezanih za borbu protiv nezakonitih migracija, krijumčarenja ljudi i drugih oblika organizovanog kriminala.

Prihvat, nadzor, smještaj i udaljenje stranaca

Sigurni sistem udaljenja stranaca iz zemlje ostvaren je kroz kadrovsku i tehničku uspostavu Sektora za redmisiju, prihvat i smještaj u smislu izgradnje pravnih i tehničkih kapaciteta za siguran postupak udaljenja stranaca koji nelegalno borave u zemlji, kao i kroz saradnju nadležnih institucija koje će nakon donesene odluke o udaljenju realizovati tu mjeru kroz obezbjeđenje potrebnih saglasnosti, putnih dokumenata i drugih tehničkih detalja za izlazak stranca iz zemlje.

Kroz rad i postojeći kapacitet Imigracionog centra omogućavali smo da neregularni migranti kao i drugi stranci koji nakon odluke ne žele dobrovoljno napustiti zemlju, budu stavljeni pod nadzor u Imigracioni centar do njihovog konačnog udaljenja. Služba je omogućila da se boravak stranaca u Imigracionom centru odvija u skladu s propisanim pravilima o funkcionisanju Centra, kućnom redu, uz poštivanje dostojanstva ličnosti i uz poštivanje međunarodnih konvencija i propisa koji regulišu zaštitu ljudskih prava. Realizacija sporazuma o readmisiji i po tom osnovu prihvat stranaca u Bosni i Hercegovini pod uslovima koji su propisani pojedinim readmisijskim sporazumima, nakon čega smo osiguravali sigurno udaljenje takvih stranaca iz zemlje, u propisanoj proceduri.

✓ ***Prihvat po osnovu Sporazuma o readmisiji***

U periodu 01.01 do 31.12.2017. godine ukupno su prihvaćena **324** strana državljanina i to:

- ✓ **311** lica po osnovu Sporazuma između Vijeća ministara Bosne i Hercegovine i Vlade Republike Hrvatske o vraćanju i prihvaćanju lica čiji je ulazak i boravak nezakonit,
- ✓ **13** lica po osnovu Sporazuma između Vijeća ministara Bosne i Hercegovine i EU o vraćanju i prihvaćanju lica čiji je ulazak i boravak nezakonit.

✓ ***Nadzor i smještaj***

a) Stavljanje pod nadzor u Imigracioni centar

Tokom 2017. godine u Imigracioni centar Službe za poslove sa strancima prema knjizi evidencije prijema pod nadzor je stavljeno **860 lica od kojih 41 mldb. stranaca u pratnji**. U izvještajnom periodu ostvareno je ukupno **13.558** korisničkih dana u Imigracionom centru.

b) Smještaj u specijalizovanu ustanovu MFS „Emmaus“

U ovom izvještajnom periodu u specijalizovanoj ustanovi Međunarodni forum solidarnosti „Emmaus“ smješteno je **28** mldb. lica.

c) Smještaj u sigurne kuće potencijalnih žrtava trgovine ljudima

Tokom izvještajnog perioda u sigurnu kuću „MEDICA“ smještena su **2** lica za koje je nadležni organ procijenio da se radi o potencijalnim žrtvama trgovine ljudima, u 2016. godini također su smještena **2** lica.

✓ ***Udaljenje***

Tokom ovog izvještajnog perioda ukupan broj lica koja su udaljena na osnovu provedenih procedura za pripremu i izvršenje udaljenja iz Bosne i Hercegovine u zemlje porijekla ili zemlju koja ih prihvata je ukupno **947 lica od čega 94 mldb. lica**.

a) Predaja po osnovu sporazuma o readmisiji

Nakon što je utvrđena obaveza prihvata od strane zemlje potpisnice Sporazuma o readmisiji za lica koja ilegalno borave na području druge države, u izvještajnom periodu ukupno je predato **358** stranih državljana od kojih **41 mldb. lice** i to kako slijedi:

- ✓ **181 lice** od kojih **36 mldb. lica** po osnovu Sporazuma između Bosne i Hercegovine i **Srbije** o vraćanju i prihvaćanju lica čiji je ulazak i boravak nezakonit.
- ✓ **174 lica** od kojih **4 mldb. lica** po osnovu Sporazuma između Bosne i Hercegovine i **Crne Gore** o vraćanju i prihvaćanju lica čiji je ulazak i boravak nezakonit.
- ✓ **2 lica** po osnovu Sporazuma između Bosne i Hercegovine i **Hrvatske** o vraćanju i prihvaćanju lica čiji je ulazak i boravak nezakonit.
- ✓ **1 mldb. lice bez pratnje** po osnovu Sporazuma između Bosne i Hercegovine i **Slovenije** o vraćanju i prihvaćanju lica čiji je ulazak i boravak nezakonit.

b) Dobrovoljni povratak koji realizuje Služba

Tokom ovog izvještajnog perioda za lica koja su bila stavljena pod nadzor, Služba je vršila dobrovoljni povratak za **267 lica od kojih 23 mldb.lica.**

c) Potpomognuti dobrovoljni povratak realizovan kroz projekat posebne namjene

U okviru projekta „Prevenција ilegalnih migracija u Bosni i Hercegovini i regionu i dobrovoljni povratak ilegalnih migranata“ čija je implementacija završena 30.09.2017. godine, vraćeno je ukupno **361** lica od kojih **47 mldb. lica**. Od ovog broja **40** lica od kojih **17 mldb.** je vraćeno kroz postupak povratka prema odredbama sporazuma o readmisiji.

d) Repatrijacija žrtava trgovine ljudima

U ovom izvještajnom periodu Služba, nije vršila **postupak** repatrijacije potencijalnih žrtava trgovine ljudima.

e) Samostalni dobrovoljni povratak stranaca iz Bosne i Hercegovine

Tokom 2017. godine **801** strani državljanin kojem je izrečena mjera protjerivanja sa zabranom ulaska i boravka na teritoriju Bosne i Hercegovine ili je izdat nalog za dobrovoljno napuštanje, je samostalno dobrovoljno napustio Bosnu i Hercegovinu.

f) Prisilno udaljenje

U ovom izvještajnom periodu Služba je donijela zaključak o dozvoli izvršenja rješenja o protjerivanju i tom prilikom je prisilno udaljeno **1** lice:

g) Udaljenje stranih državljana nakon izdržavanja kazne zatvora u Kazneno popravnim zavodima - KPZ-ma

U ovom izvještajnom periodu nakon izdržane kazne zatvora iz kazneno popravnih zavoda - KPZ, preuzeto je **11** stranih državljana, kojima su izrečene mjere protjerivanja i u pratnji službenika osiguranja Imigracionog centra sprovedena do granice, te udaljena sa teritorije Bosne i Hercegovine.

Kadrovska popunjenost

Služba je 31.12.2017. godine imala ukupno **221** zaposlenih, što je 71,29% u odnosu na broj sistematiziranih radnih mjesta. U toku 2017. godine zaposleno je **12** osoba, od toga **8** (osam) državnih službenika (na određeno vrijeme), **3** (tri) zaposlenika (na određeno vrijeme) i **1** (jedno) imenovano lice.

Tokom 2017. godine Služba je ostala bez **22** (dvadeset dva) uposlenika, od toga:

- ✓ Zbog isteka ugovora o radu na određeno vrijeme: **5** (pet) pripravnika, **6** (šest) uposlenih koji su bili angažovani po članu 28a. Zakona o državnoj službi u institucijama Bosne i Hercegovine na određeno vrijeme i **2** (dva) zaposlenika koja su bila angažovana po osnovu ugovora o radu na određeno vrijeme;
- ✓ **5** (pet) uposlenih je penzionisano, od toga **2** (dva) državna službenika i **3** (tri) zaposlenika;
- ✓ U 2017. godini **2** (dva) državna službenika otpočela su koristiti neplaćeno odsustvo po sili zakona zbog imenovanja na neku funkciju u zakonodavnom ili izvršnom organu vlasti;
- ✓ Istek mandata **2** (dva) imenovana lica.

Pored navedenog u 2017. godini jedan državni službenik je otpočeo koristiti neplaćeno odsustvo po sili zakona s radnog mjesta na koje je postavljen, jer je imenovan za zamjenika direktora Službe za poslove sa strancima, sa statusom imenovanog lica.

Također, tri zaposlenika su sporazumno prekinula radni odnos na dosadašnjim radnim mjestima, jer su nakon sprovedenog javnog oglasa postavljeni na radna mjesta državnih službenika.

U toku 2017. godine raspisana su tri javna oglasa: jedan za državne službenike, jedan za zaposlenike i jedan oglas za popunu radnih mjesta na određeno vrijeme do povratka državnih službenica s porodiljskog odsustva. Konkursna procedura je okončana, a najuspješniji kandidati su postavljeni na pozicije za koji su bili raspisani javni oglasi. Također, tokom 2017. godine izvršena su četiri interna premještaja za zaposlenike.

Budžetska sredstva

Prema Zakonu o budžetu institucija Bosni i Hercegovine i međunarodnih obaveza Bosne i Hercegovine za 2017. godinu („Službeni glasnik Bosne i Hercegovine“, broj 94/16), Službi su odobrena budžetska sredstva u iznosu od 8.573.000,00 KM, od čega se 8.194.000,00 KM odnosi na tekuće izdatke, 304.000,00 KM na kapitalne izdatke, a primici od prodaje stalnih sredstava planirani su u iznosu od 75.000,00 KM.

Odobreni budžet je uvećan i za prenesena namjenska neutrošena donatorska sredstva iz 2016. u 2017. godinu u iznosu od 258.358,62 KM, a odnosi se na Projekat „Prevenција ilegalnih migracija u Bosni i Hercegovini i dobrovoljni povratak ilegalnih migranata“.

Na zahtjev Službe donesene su dvije Odluke o prestrukturiranju budžetskih sredstava u ukupnom iznosu od 91.000,00 KM ili 1,06% ukupno odobrenih budžetskih rashoda za 2017. godinu (8.573.000,00 KM). Sredstva su prestrukturirana najvećim dijelom na pozicije u okviru ugovorenih usluga i putnih troškova, čiji izdaci direktno zavise od broja neregularnih migranata koji su smješteni u Imigracionom centru u Lukavici, a to su izdaci za ishranu, izdaci za primarnu i sekundarnu zdravstvenu zaštitu za korisnike imigracionog centra, izdaci za ugovore o djelu za angažovanje prevodilaca i izdaci za putne troškove za deportacije ilegalnih migranata.

Služba je u periodu od 14.07.2017. do 16.08.2017. godine izvršila prodaju četrnaest automobila (14), čija je starost preko sedam godina i po tom osnovu ostvarila primitak od prodaje u iznosu od 71.113,00 KM, te po tom osnovu nabavila tri putnička vozila u iznosu od 71.070,47 KM.

Izvršenje budžeta za 2017. godinu bez projekta je 8.145.467,31 KM ili 96% od odobrenih sredstava i to:

- tekući izdaci 7.772.855,95 KM ili 95% i
- kapitalni izdaci 372.611,36 KM ili 98%.

Kroz Projekat „Prevenција ilegalnih migracija u Bosni i Hercegovini i dobrovoljni povratak ilegalnih migranata“ u 2017. godini utrošeno je 161.977,93 KM ili 100% od raspoloživih sredstava za 2017. godinu za pomenuti projekat. Projekat je završen te je Služba krajem decembra izvršila povrat neutrošenih sredstava u iznosu od 96.380,69 KM Švicarskoj koja je zastupana od Švicarske agencije za razvoj i saradnju.

Smatramo bitnim napomenuti da smo prilikom izrade „Godišnjeg programa rada Službe za poslove sa strancima za 2017. godinu“ predvidjeli da bi na realizaciju planiranih aktivnosti moglo uticati znatno povećanje broja ilegalnih migranata, kao posljedica migrantske krize usljed zatvaranja granica Mađarske i Hrvatske, te njihovo preusmjeravanje preko teritorije Bosne i Hercegovine. Naprijed navedena predviđanja pokazala su se tačnim jer u drugoj polovini 2017. godine dolazi do promjena u migracionim tokovima na Zapadno-balkanskoj ruti, što je počelo uticati i na Bosnu i Hercegovinu. Obzirom na povećan broj ulazaka ilegalnih migranata na južnom djelu granice između R. Crne Gore i Bosne i Hercegovine (područja opština Trebinja, Bileće i Gacka), istočnog dijela granice između R. Srbije i Bosne i Hercegovine (područja Zvornika, Bratunca, Balatuna, Višegrada itd) te izlaska istih na sjeverno – zapadnom i sjevernom djelu granice između Bosne i

Hercegovine i R. Hrvatske (područja opštine Bihać, Livno, Brčko itd), Služba bila je primorana da zbog na kadrovske nepopunjenosti kao i zbog obimnosti i složenosti problema sa kojima se susreće vrši prestrukturiranje ljudskih i materijalnih kapaciteta Službe sa ciljem rješavanja navedene problematike, zbog čega pojedine planirane aktivnosti nisu postigle ciljane vrijednosti.

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA SLUŽBE ZA POSLOVE SA STRANCIMA											
Opći cilj/principi razvoja: Upravljanje u funkciji rasta											
Strateški cilj: Ubrzati proces tranzicije i izgradnja kapaciteta											
Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti											
Specifični cilj 1: Povećanje efikasnosti mehanizama upravljanja migracijama BiH											
Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost (2016)	Cijlana vrijednost (2017)	Ostvarena vrijednost na kraju godine (2017)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1.1 Program: Institucionalizacija i primjena mehanizama upravljanja i kontrole boravka, kretanja stranaca u Bosni i Hercegovini, prihvata, smještaja i udaljenja stranaca											
1.1.1 Projekat: Kontrola kretanja i boravka stranaca											
1.1.1.2 Aktivnosti u postupku obrade zahtjeva za ovjeru pozivnog pisma	TC i Sektor za operativnu podršku	Broj ovjerenih pozivnih pisama	5.500	5.500	4.720	Budžet	630.709	500.000	I-IV	I-IV	
1.1.1.3 Aktivnosti u postupku vršenja provjera po zahtjevima dipl. konz. predstavništva (DKP) kod izdavanja viza	Sektor za operativnu podršku i T.C.	Broj izvršenih provjera po zahtjevu DKP	15.000	15.300	30.474	Budžet	366.410	400.000	I-IV	I-IV	

1.1.1.4 Aktivnosti u postupku izdavanja saglasnosti za izdavanje viza tipa "D"	Sektor za operativnu podršku i T.C.	Broj izdatih saglasnosti za izdavanje viza tipa "D"	1.000	1.010	691	Budžet	81.133	70.000	I-IV	I-IV	
1.1.1.5 Aktivnosti u postupku obrade zahtjeva za odobrenje/produženje privremenog boravka	TC i Sektor za operativnu podršku	Broj odobrenih i produženih privremenih boravaka	10.900	11.000	11.372	Budžet	2.049.709	2.000.000	I-IV	I-IV	
1.1.1.6 Aktivnosti u postupku obrade zahtjeva za odobrenja stalnog boravka i izmjene rješenja stalnog boravka	TC i Sektor za operativnu podršku	Broj odobrenih stalnih boravaka i izmjena rješenja stalnog boravka	800	900	750	Budžet	254.849	210.000	I-IV	I-IV	
1.1.1.7. Prevencija nezakonitih migracija kroz postupak regulisanja boravka u BiH	Terenski centri	Ukupan broj odbijenih zahtjeva u postupku odobrenja/produženja boravka	175	180	285	Budžet	68.640	70.000	I-IV	I-IV	
	Terenski centri	Ukupan broj odbačenih zahtjeva u postupku odobrenja/produženja boravka	15	20	8	Budžet					
	Terenski centri	Ukupan broj obustavljenih zahtjeva u postupku odobrenja/produženja boravka	50	60	174	Budžet					
	Terenski centri	Ukupan broj prekinutih postupaka odobrenja/prod	100	105	28	Budžet					

		uženja boravka									
1.1.1.8. Operativne aktivnosti na terenu u cilju otkrivanja i sprečavanja nezakonitih migracija	Terenski centri	Broj izvršenih inspekcijskih kontrola inspektora za strance	6.500	7.000	7.576	Budžet	582.660	600.000			
	Terenski centri	Broj izvršenih operativnih provjera u cilju utvrđivanja činjenica o ispunjavanju uslova za ovjeru pozivnih pisama i odobrenje/prod uženje privremenog boravka i odobrenja stalnog boravka	10.000	10.500	15.386	Budžet					
	Terenski centri	Broj izvršenih inspekcijskih kontrola stranih državljana sa odobrenim boravkom	2.000	2.100	1.790	Budžet					
1.1.1.9. Aktivnosti u postupku izdavanja potvrda o prijavi rada	Terenski centri	Broj izdatih potvrda o prijavi rada	4.000	4.200	5.219	Budžet	67.395	68.000	I-IV	I-IV	

1.1.1.10. Aktivnosti u postupku izricanja mjera stranim državljanima	T.C., Sektor za operativnu podršku	Broj izrečenih mjera otkaza boravka (bevizni, privremeni, stalni boravak) (bevizni, privremeni, stalni)	800	900	348	Budžet	155.965	100.000	I-IV	I-IV
	TC, Sektor za operativnu podršku	Broj izrečenih mjera protjerivanja (protjerivanje, otkaz boravka sa protjerivanjem)	300	360	973	Budžet	89.365	80.000	I-IV	I-IV
1.1.1.11. Aktivnosti u postupku izdavanja naloga za dobrovoljno napuštanje teritorije BiH	Sektor za operativnu podršku, Sektor za readmisiju, prihvati i smještaj i T.C.	Broj izdatih naloga za dobrovoljno napuštanje teritorije BiH	100	120	361	Budžet	31.165	41.467	I-IV	I-IV
1.1.1.12. Aktivnosti u postupku izricanja mjere stavljanja pod nadzor stranih državljana	TC, Sektor za operativnu podršku	Broj stranih državljana kojima je doneseno rješenje o smještaju pod nadzor (Imigracioni centar i blaža mjera nadzora)	210	220	897	Budžet	38.365	40.000	I-IV	I-IV
1.1.1.13. Aktivnosti u postupku izricanja prekršajnih naloga	Terenski centri	Broj izrečenih prekršajnih naloga	400	420	2.071	Budžet	75.200	75.000	I-IV	I-IV

1.1.1.14. Preduzete aktivnosti cilju sprečavanja svih vidova neregularnih migracija, te davanja doprinosa u borbi protiv terorizma, trgovine ljudima i drugih oblika organizovanog kriminala

Sektor za operativnu podršku i Terenski centri	Ukupan broj prikupljenih, analiziranih i dostavljenih operativnih saznanja i informacija iz nadležnosti drugih agencija za sprovedbu zakona u BiH i drugih tijela u BiH	100	110	66	Budžet					
Sektor za operativnu podršku, Sektor za readmisiju, prihvati i smještaj i TC	Ostvarena saradnja i kordinacije sa agencijama za sprovedbu zakona i drugim tijelima u BiH putem razmjene pisanih akata ili razmjena informacija o čemu postoji sačinjena službena zabilješka	9.000	9.200	13.022	Budžet	299.682	300.000	I-IV	I-IV	
Sektor za operativnu podršku	Ukupan broj izvršenih dodatnih provjera u postupcima ovjere pozivnih pisama, izdavanja viza, te odobrenja/prod	2.500	2.600	2.710	Budžet					

		uženja privremenog boravka i odobrenja stalnog boravka									
	Sektor za operativnu podršku i Terenski centri	Ukupan broj izrađenih Operativnih planova za preduzimanje akcija i drugih koordiniranih aktivnosti u cilju sprečavanja svih vidove neregularnih migracija i protivzakonitih aktivnosti	50	55	74	Budžet					
1.1.1.15 Aktivnosti Službe u vezi izdavanja uvjerenja o činjenicama iz službenih evidencija	Terenski centri	Broj lica za koja su po zahtjevima stranke izdata uvjerenja o činjenicama iz službene evidencije u svrhu regulisanja statusnih pitanja	750	800	1.029	Budžet	203.930	200.000	I-IV	I-IV	

	Sektor za operativnu podršku	Broj lica za koja su izdata uvjerenja o činjenicama iz službene evidencije u svrhu prijeme u državljanstvo BiH	450	500	731	Budžet					
1.1.1.16. Prikupljanje, objedinjavanje, analiziranje i izrada strateških i drugih planova i njihovo izvještavanje	Sve organizacione jedinice	Broj izrađenih dnevnih biltena i dnevnih izvještaja	1.095	1.095	1.095	Budžet	364.673	300.000	I-IV	I-IV	
		Broj izrađenih planova od strane svih organizacionih jedinica	880	890	288	Budžet					
		Izrada strateških dokumenata	4	6	7	Budžet					
1.1.1.17 Stručno obučavanje i usavršavanje službenika	Sve organizacione jedinice	Broj organizovanih edukacija, specijalističkih obuka, seminara ili radionica	99	105	83	Budžet	476.665	200.000	I-IV	I-IV	
		Broj uposlenika koji su uzeli učešće na edukacijama, specijalističkim obukama,	390	400	245	Budžet					

		seminarima ili radionicama									
		Ukupan broj održanih sastanaka u realizaciji IPA	40	50	81	Budžet					
1.1.2 Projekat: Postupak prihvata, smještaja i povratka stranaca											
1.1.2.1 Preuzimanje ilegalnih migranata u propisanom roku	Sektor za readmisiju, prihvata i smještaj i Imigracioni centar	Broj preuzetih ilegalnih migranata u zakonom propisanom roku	350	370	949	Budžet	134.424	150.000	I-IV	I-IV	
1.1.2.2 Preduzete aktivnosti u cilju smještaja stranih lica u Imigracioni centar	Sektor za readmisiju, prihvata i smještaj i Imigracioni centar	Broj osoba smještenih u imigracioni centar	300	310	860	Budžet	115.221	200.000	I-IV	I-IV	
1.1.2.3 Broj ostvarenih dana u Imigracionom centru	Imigracioni centar	Ukupan broj ostvarenih dana u Imigracionom centru	2900	2950	13.558	Budžet	1.154.386	1.150.000	I-IV	I-IV	
1.1.2.4 Prihvata ilegalnih migranata	Sektor za readmisiju, prihvata i smještaj	Broj lica prihvaćenih po osnovu sporazuma o readmisiji u redovnom postupku	30	32	324	Budžet	86.400	80.000	I-IV	I-IV	

	Sektor za readmisiju, prihvati i smještaj	Broj lica smještenih u specijalizovane ustanove i sigurne kuće	2	2	30	Budžet					
	Sektor za readmisiju, prihvati i smještaj	Broj lica prihvaćenih iz KPZ u BiH	20	25	11	Budžet					
1.1.2.5 Udaljenje ilegalnih migranata	Sektor za readmisiju, prihvati i smještaj	Broj lica za koje je Služba izvršila dobrovoljni povratak	8	10	266	Budžet	1.321.154	1.200.000 i 161.978	I-IV	I-IV	
	Sektor za readmisiju, prihvati i smještaj	Broj lica predatih po osnovu Sporazuma o readmisiji	20	25	358	Budžet					
	Sektor za readmisiju, prihvati i smještaj	Broj prilisilno udaljenih stranih državljana	2	3	1	Budžet					
	Sektor za readmisiju, prihvati i smještaj	Broj potpomognutih dobrovoljnih povrataka realizovanih kroz projekat posebne namjene	150	160	361	Budžet i Projekat „Prevenција ilegalnih migracija u BiH i regionu i dobrovoljni povratak ilegalnih migranata“					

	Sektor za readmisiju, prihvata i smještaj	Broj realizovanih samostalnih dobrovoljnih povrataka stranih državljana	800	820	801	Budžet					
	Sektor za readmisiju, prihvata i smještaj	Repatrijacija žrtava trgovine ljudima	2	2	0	Budžet					
1.1.2.6 Preduzete aktivnosti u svrhu izdavanja saglasnosti za deportaciju	Sektor za readmisiju, prihvata i smještaj	Broj izdatih saglasnosti za deportaciju	250	260	358	Budžet	67.000	60.000	I-IV	I-IV	
1.1.2.7 Preduzete aktivnosti u svrhu osiguranja korisnicima IC specijalističkih medicinskih tretmana	Sektor za readmisiju, prihvata i smještaj i Imigracioni centar	Broj osoba podvrgnut specijalističkom medicinskom tretmanu	2	3	360	Budžet	26.000	26.000	I-IV	I-IV	
1.1.2.8. Izdavanje putnih listova	Sektor za readmisiju, prihvata i smještaj	Broj izdatih putnih listova	50	55	107	Budžet	23.000	20.000	I-IV	I-IV	
1.1.2.9 Potvrde o izraženoj namjeri za azil	Sektor za readmisiju, prihvata i smještaj	Broj izdatih potvrda o izraženoj namjeri za azil u IC	15	16	103	Budžet	6.900	5.000	I-IV	I-IV	

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: Ubrzati proces tranzicije i izgradnja kapaciteta

Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti

Specifični cilj br. 1.: Povećanje efikasnosti mehanizama upravljanja migracijama u BiH

Naziv zakona	Vrijeme provođenja		Status zakona zaključno sa 31.12.2016 godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 Program: Institucionalizacija i primjena mehanizama upravljanja i kontrole boravka, kretanja stranaca u Bosni i Hercegovini, prihvata, smještaja i udaljenja stranaca							
1.1.1 Projekat: Kontrola kretanja i boravka stranaca							
1.1.2 Projekat: Postupak prihvata, smještaja i povratka stranaca							
1.1.1.1 Zakon o službi za poslove sa strancima	I i II		NE	NE	NE	NE	Kada je u pitanju izrada novog Zakona o Službi za poslove sa strancima realizacija izrade prijedloga zakona je u toku. Formirana je radna grupa za izradu naprijed navedenog zakona a nakon završetka istog će se pristupiti izradi novog pravilnika.

IV - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA							
Opći cilj/principi razvoja: UPRAVLJANJE U FUNKCIJI RASTA							
Strateški cilj: Ubrzati proces tranzicije i izgradnja kapaciteta							
Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti							
Specifični cilj br. 1.: Povećanje efikasnosti mehanizama upravljanja migracijama u BiH							
Naziv podzakonskog akta	Vrijeme provođenja		Status podzakonskog akta zaključno sa 31.12.2016 godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3	4	5	6	7	8
1.1 Program: Institucionalizacija i primjena mehanizama upravljanja i kontrole boravka, kretanja stranaca u Bosni i Hercegovini, prihvata, smještaja i udaljenja stranaca							
1.1.1 Projekat: Kontrola kretanja i boravka stranaca							
1.1.2 Projekat: Postupak prihvata, smještaja i povratka stranaca							
Pravilnik o unutrašnjoj organizaciji i sistematizaciji Sužbe za poslove sa strancima	IV	NE	NE	NE	NE	NE	Kada su u pitanju izrada novog Pravilnika o sistematizaciji i unutrašnjoj organizaciji SPS-a, istom će se pristupiti nakon donošenja novog Zakona o Službi za poslove sa strancima.

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: UPRAVLJANJE U FUNKCIJI RASTA

Strateški cilj: Ubrzati proces tranzicije i izgradnja kapaciteta

Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti

Specifični cilj br. 1.: Povećanje efikasnosti mehanizama upravljanja migracijama u BiH

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.____ godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 Program: Institucionalizacija i primjena mehanizama upravljanja i kontrole boravka, kretanja stranaca u Bosni i Hercegovini, prihvata, smještaja i udaljenja stranaca							
1.1.1 Projekat: Kontrola kretanja i boravka stranaca							
1.1.2 Projekat: Postupak prihvata, smještaja i povratka stranaca							
Nije bilo planiranih	NE	NE	NE	NE	NE	NE	

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA				
Opći cilj/principi razvoja: UPRAVLJANJE U FUNKCIJI RASTA				
Strateški cilj: Ubrzati proces tranzicije i izgradnja kapaciteta				
Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti				
Specifični cilj br. 1.: Povećanje efikasnosti mehanizama upravljanja migracijama u BiH				
Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
1.1 Program: Institucionalizacija i primjena mehanizama upravljanja i kontrole boravka, kretanja stranaca u Bosni i Hercegovini, prihvata, smještaja i udaljenja stranaca				
1.1.1 Projekat: Kontrola kretanja i boravka stranaca				
1.1.2 Projekat: Postupak prihvata, smještaja i povratka stranaca				
Nije bilo planiranih	NE	NE	NE	NE

VII- IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

U skladu sa članom 4. stav (1) tačka b) i članom 8. stav (2) tačka c) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), a na osnovu srednjoročnog cilja, programa i projekata planiranih Srednjoročnim planom Službe za poslove sa strancima 2017-2019. godina, izrađen je Izvještaj o radu Službe za poslove sa strancima za 2017. godinu. Pri njegovoj izradi a u okviru Radne grupe 7. „Strateško planiranje“ Projekta IPA 2012 „Jačanje provedbe zakona“, vršene su konsultacije sa agencijama koje participiraju u okviru ove radne grupe (Ministarstvo sigurnosti BiH, Direkcija za koordinaciju policijskih tijela BiH, Granična policija BiH, Agencija za forenzička ispitivanja i vještačenja BiH, Agencija za policijsku podršku BiH, Agencija za školovanje i stručno usavršavanje kadrova) kao i Ministarstvom finansija i trezora BiH. Konsultacije su se odnosile na formalni izgled izvještaja, izbjegavanje preklapanja nadležnosti i usklađenost sa budžetskim okvirom. Isto tako Izvještaj o radu Službe za poslove sa strancima za 2017. godinu bio je objavljen na web platformi EKONSULTACIJE, gdje je zainteresovana javnost tokom procesa izrade navedenog izvještaja mogla učestvovati u izradi istog u smislu davanja određenih prijedloga i sugestija.


DIREKTOR
Slobodan Ujić